

ARTICULUS XVII. — *Utrum mundus semper fuerit.* (I part., quæst. XLIX, art. 1; et I, dist. 1, quæst. 1, art. 3; et II cont. Gent., cap. XXXIV et XXXVII.)

Decimoseptimo quaeritur, utrum mundus semper fuerit. Et videtur quod sic. Quia proprium semper consequitur id cuius est proprium. Sed, sicut dicit Dionysius (iv cap. col. Hierar.), proprium est divinae bonitatis ad communicationem sui ea que sunt vocare; quod quidem fit creaturas producendo. Cum ergo divina bonitas semper fuerit, videtur quod semper creaturas in esse produxerit; et ita videtur quod semper fuerit mundus.

2. Præterea, Deus non denegavit alicui creatura id cuius est capax secundum suam naturam. Sed aliquæ creaturæ sunt quarum natura est capax ut semper fuerit, sicut cœlum. Ergo videtur quod hoc fuerit cœlo collatum ut semper esset. Sed cœlo existente oportet ponere alias creaturas esse, sicut probat Philosophus, in II de Cœlo et mundo (com. viii). Ergo videtur quod mundus fuerit semper. Probatio media. Omne quod est incorruptibile, habet virtutem ut sit semper; quia si haberet virtutem ut esset aliquo tempore determinato tantum, non posset esse semper; et ita non esset incorruptibile. Cœlum autem est incorruptibile. Ergo habet naturam quod sit semper.

3. Sed dicendum, quod cœlum non est simpliciter incorruptibile; deciderit enim in nihilum, nisi per virtutem Dei continetur in esse. — Sed contra, non est reputandum aliquid esse possibile vel contingens, propter hoc quod ejus destructio sequitur ex destructione consequentis; licet enim hominem esse animal sit necessarium, tamen destructio ejus sequitur ad destructionem hujus consequentis, hominem esse substantiam. Non ergo videtur quod propter hoc possit dici cœlum esse corruptibile, quia ejus non esse sequitur ad aliquam positionem qua ponitur Deus suam continentiam subtrahere creaturis.

4. Præterea, sicut Avicenna probat in sua Metaphys. (lib. IX, cap. iv), quilibet effectus in comparatione ad suam causam est necessarius; quia si posita causa non necessario sequitur effectus, adhuc posita causa possibile erit effectum esse vel non esse; quod autem est in potentia, non reducitur in actum nisi per id quod est actu; unde oportebit quod præter causam praedictam sit aliqua alia causa qua faciat effectum prodire in actu ex potentia qua possibile erat ipsum esse vel non esse posita causa. Ex quo potest accipi, quod posita causa sufficienti necessitate est ipsum ponit. Sed Deus est causa sufficiens mundi. Cum ergo Deus fuerit semper, et mundus fuit semper.

5. Præterea, omne quod est ante tempus, est aeternum; ævum enim non est ante tempus, sed incepit simul cum tempore. Sed mundus fuit ante tempus: fuit enim creatus in primo instanti temporis, quod constat esse ante tempus; dicitur enim

Genes. i: *In principio creavit Deus cœlum et terram* (Glossa interlinearis), *idest, in principio temporis.* Ergo mundus fuit ab aeterno.

6. Præterea, idem manens idem, semper facit idem, nisi impediatur. Sed Deus semper idem manet, sicut in Psalmo ci, 28, legitur: *Tu autem idem ipse es.* Cum igitur in sua actione impediari non possit propter infinitatem suæ potentie, videtur quod semper idem faciat. Et ita, cum aliquando mundum produxerit, videtur quod etiam semper ab aeterno produixerit.

7. Præterea, sicut homo necessario vult suam beatitudinem, ita Deus necessario vult suam bonitatem et quod ad eam pertinet. Sed ab bonitatibus divinis pertinet productio creaturarum in esse. Ergo hoc Deus necessitate vult; et ita videtur quod ab aeterno producere creaturas voluerit, sicut voluit ab aeterno bonitatem suam esse.

8. Sed dicendum, quod ad bonitatem Dei pertinet quod creaturæ producantur in esse, non autem quod producantur in esse ab aeterno. — Sed contra, majoris liberalitatis est aliquid citius dare quam tardius. Sed liberalitas divine bonitatis est infinita. Ergo videtur quod ab aeterno esse creaturis dederit.

9. Præterea, Augustinus dicit (VIII Confes., cap. ix): *Illiud dico te velle quod facis si potes.* Sed Deus ab aeterno voluit mundum producere; alias fuisse mutatus, si accessisset ei nova voluntas mundi creandi. Cum ergo nulla impotentia ei conveniat, videtur quod ab aeterno mundum produxerit.

10. Præterea, si mundus non semper fuit; antequam mundus esset, aut erat possibile ipsum esse, aut non. Si non erat possibile, ergo impossibile erat ipsum esse, et necesse non esse; et sic nunquam fuissest in esse productus. Si autem possibile erat eum esse, ergo erat aliqua potentia respectu ipsius; et ita erat aliquod subjectum sive materia, cum potentia non nisi in subiecto esse possit. Sed si fuit materia, fuit et forma; cum materia non possit omnino esse a forma denudata. Ergo fuit aliquod corpus compositum ex materia et forma, et ex consequenti fuit totum universum.

11. Præterea, omne quod fit actu postquam fuit possibile fieri, educitur potentia in actu. Si ergo mundus fuit possibile fieri, antequam esset, oportet dicere mundum eductum esse de potentia in actu; et ita materiam praecessisse, et fuisse aeternam: ex quo sequitur idem quod prius.

12. Præterea, omne agens quod de novo incipit agere, movetur de potentia in actu. Sed hoc Deo non potest competere, cum ipse sit omnino immobilis. Ergo videtur quod ipse non incipit de novo agere, sed quod ab aeterno mundum produxerit.

13. Præterea, agens per voluntatem, si incipit facere quod prius volebat, cum antea non fecisset, oportet ponere aliquid esse nunc inducens ipsum ad agendum, quod prius non induce-

bat; quod est quodammodo expergefaciens ipsum. Sed non potest dici quod aliquid aliud fuerit praeter Deum ante mundum, quod de novo eum induxit et ad agendum. Cum ergo ab aeterno voluerit mundum facere (alias voluntati ejus aliquid accrevisset), videtur quod ab aeterno fecerit.

14. Praeterea, nihil movet voluntatem divinam ad agendum nisi bonitas ejus. Sed bonitas divina semper eodem modo se habet. Ergo et voluntas Dei semper se habet ad productionem creaturarum; et ita ab aeterno creature produxit.

15. Praeterea, illud quod est semper in principio et in fine sive nunquam incipit nec desinit: quia unaquaque res est post sui principium et ante sui finem. Sed tempus semper est in sui principio et in sua fine; nihil enim est temporis nisi instans, quod est finis praeteriti et principium futuri. Ergo tempus nunquam incipit nec desinit, sed semper est; et per consequens motus semper, et mobile semper, et totus mundus; tempus enim non est sine motu, nec motus sine mobili, nec mobile sine mundo.

16. Sed dicendum, quod primum instans temporis non est finis praeteriti, nec ultimum principium futuri. — Sed contra nunc temporis semper consideratur ut fluens, et in hoc differt a nunc aeternitatis. Sed quod fluit, ab alio in aliud fluit. Ergo oportet omne nunc a priori nunc in posterius fluere. Ergo impossibile est esse aliquod primum vel ultimum nunc.

17. Praeterea, motus sequitur mobile, et tempus sequitur motum. Sed primum mobile, cum sit circulare, non habet principium neque finem: quia in circulo non est accipere principium et finem in actu. Ergo neque motus neque tempus habent principium; et sic idem quod prius.

18. Sed dicendum, quod licet ipsum corpus circulare non habeat principium magnitudinis, habet tamen principium durationis. — Sed contra, duratio motus sequitur mensuram magnitudinis: quia, secundum Philosophum, quanta est magnitudo, tantus est et motus, et tantum tempus. Si ergo in magnitudine corporis circularis non est aliquod principium, nec in magnitudine motus et temporis erit principium, et per consequens nec in eorum duratione, cum eorum duratio, et praecipue temporis, sit eorum magnitudo.

19. Praeterea, Deus est causa rerum per scientiam suam. Scientia autem relative dicitur ad scibile. Cum igitur relativa sint simul natura, et scientia Dei sit aeterna, videtur quod res sint ab ipso ab aeterno productae.

20. Praeterea, aut Deus praedicit mundum natura tantum, aut duratione. Si natura tantum, sicut causa effectum sibi coe-
vum, videtur quod cum Deus fuerit ab aeterno, et creature fuerint ab aeterno. Si autem praedicit mundum duratione, ergo est accipere aliquam durationem priorem duratione mundi, que se

habet ad durationem mundi ut prius ad posterius. Sed duratio quae habet prius et posterius est tempus. Ergo ante mundum fuit tempus, et per consequens motus et mobile; et sic idem quod prius.

21. Praeterea, Augustinus dicit (V de Trin., cap. xvi): *Deum ab aeterno Dominum non fuisse, dicere nolo.* Sed quandocumque fuit Dominus, habuit creaturam sibi subjectam. Ergo non est dicendum, quod creatura non fuerit ab aeterno.

22. Praeterea, Deus potuit mundum producere antequam produxerit; alias impotens fuisset. Scivit etiam ante producere; alias ignorans esset. Videtur etiam quod voluit, alias invidius fuisset. Ergo videtur quod non incepit de novo producere creaturam.

23. Praeterea, omne quod est finitum, est communicabile creaturæ. Sed aeternitas est quoddam finitum; alias nihil posset esse ultra aeternitatem: dicitur enim Exod., xv, 18: *Dominus regnavit in aeternum et ultra.* Ergo videtur quod creatura fuerit aeternitatis capax: et sic convenienter fuit divinae bonitati quod creaturam ab aeterno produxerit.

24. Praeterea, omne quod incipit, habet mensuram sue durationis. Sed tempus non potest habere aliquam mensuram sue durationis: non enim mensuratur aeternitate, quia sic semper fuisset; nec aeterno, quia sic in perpetuum duraret; nec tempore, quia nihil est mensura sui ipsius. Ergo tempus non incipit esse, et ita nec mobile nec mundus.

25. Praeterea, si tempus incipit esse, aut incepit esse in tempore, aut in instanti. Sed non incepit esse in instanti, quia in instanti tempus nondum est; nec iterum in tempore, quia sic nihil temporis ante temporis terminum esset; nihil enim rei est antequam res esse incepit. Ergo tempus non incepit esse: et sic idem quod prius.

26. Praeterea, Deus ab aeterno fuit causa rerum: alias oportet dicere, quod prius fuit causa in potentia, et postea in actu; et sic esset aliquod prius quod reduceret ipsum de potentia in actu, quod est impossibile. Nihil autem est causa, nisi causatum habeat. Ergo mundus fuit a Deo ab aeterno creatus.

27. Praeterea, verum et ens converuntur. Sed multa sunt vera ab aeterno; sicut hominem non esse asinum, et mundum futurum esse, et multa similia. Ergo videtur quod multa sunt entia ab aeterno; et non solum Deus.

28. Sed dicendum, quod omnia ista sunt vera veritate prima, que Deus est. — Sed contra, alia veritas est hujus propositionis, mundum futurum esse, et hujus, hominem non esse asinum: quia posito per impossibile quod una sit falsa, adhuc reliqua erit vera. Sed veritas prima non est alia et alia. Ergo non sunt veritate prima.

29. Praeterea, secundum Philosophum in predicamentis (in

prædicamento substantie, non procul a fine) ex eo quod res est vel non est, oratio vera vel falsa est. Si igitur multe propositiones verae sint ab æterno, videtur quod res per eas signatae ab æterno extiterint.

30. Præterea, Deo idem est dicere quod facere; unde in Psalm. ult., 5: *Dixit, et facta sunt*. Sed dicere Dei est æternum: alias Filius qui est verbum Patri non esset Patri coæternus. Ergo et facere Dei est æternum, et ita mundus est factus ab æterno.

Sed contra est quod dicitur Proverb., VIII, 25, ex ore divinae sapientie: *Nondum erant abyssi, et ego jam concepera eram: neandum fontes aquarum eruperant, neendum montes gravi mole consterunt; ante omnes colles ego parturiebar; adhuc terram non fecerat et flumina et cardines orbis terre*. Ergo cardines orbis terræ et flumina et terra non semper fuerunt.

Præterea, secundum Priscianum, quanto tempore juniores, tanto intellectu perspicaciores. Sed perspicacitas non est infinita. Ergo nec tempus quo perspicacitas crevit fuit infinitum, et per consequens nec mundus.

Præterea, Job, XIV, 19: *Alluvione paulatim terra consumitur*. Sed terra non est infinita. Si ergo fuisset tempus infinitum, jam totaliter esset consumpta: quod patet esse falsum.

Præterea, constat Deum naturaliter esse mundo prætorum, sicut causam effectu. Sed in Deo idem est duratio et natura. Ergo Deus duratione prior est mundo, et ita mundus non semper fuit.

Respondeo dicendum, quod firmiter tenendum est mundum non semper fuisse, sicut fides catholica docet. Nec hoc potest aliqua physica demonstratione efficaciter impugnari. Ad cuius evidentiam sciendum est, quod sicut in questione alia est habitum, in operatione Dei non potest accipi aliquid debitum ex parte cause materialis, neque potentiae active agentis, nec ex parte finis ultimi, sed solum ex parte formæ qua sit finis operationis, ex cuius presuppositione requiritur quod talia existant qualia competit illi formæ. Et ideo aliter dicendum est de productione unius particularis creature, et alter de exitu totius universi a Deo. Cum enim loquimur de productione aliquius singularis creature, potest assignari ratio quare talis sit, ex aliqua alia creatura, vel saltem ex ordine universi, ad quem quelibet creatura ordinatur, sicut pars ad formam totius. Cum autem de toto universo loquimur educendo in esse, non possumus ulterius aliquod creatum invenire ex quo possit sumi ratio quare sit tale vel tale; unde, cum nec etiam ex parte divinae potentie, quæ est infinita, nec divinae bonitatis, quæ rebus non indiget, ratio determinata dispositionis universi sumi possit, oportet quod ejus ratio sumatur ex simplici voluntate producen-

tis; ut si queratur, quare quantitas coeli sit tanta et non major, non potest hujus ratio reddi nisi ex voluntate producentis. Et propter hoc etiam, ut Rabbi Moyses dicit, divina Scriptura in diuinum homines ad considerationem coelestium corporum, per quorum dispositionem maxime ostendit quod omnia subjacent voluntati et providentiae Creatoris. Non enim potest assignari ratio quare talis stella tantum a tali distet, vel aliqua hujusmodi quæ in dispositione coeli consideranda occurrunt, nisi ex ordine sapientie Dei; unde dicitur Isa., XI, 26: *Levate in excelsum oculos vestros, et videite quis creavit haec*. Nec obstat, si dicatur quod talis quantitas consequitur naturam coeli vel coelestium corporum, sicut et omnium natura constantium est aliqua determinata quantitas, quia sicut divina potentia non limitatur ad hanc quantitatatem magis quam ad illam, ita non limitatur ad naturam cui debeat talis quantitas, magis quam ad naturam cui alia quantitas debeat. Et sic eadem redibit questione de natura, quæ est de quantitate; quanvis concedamus, quod natura coeli non sit indiferens ad quamlibet quantitatem, nec sit in eo possibilitas ad aliam quantitatem nisi ad istam. Non sic autem potest dicere tempore vel temporis duratione. Nam tempus est extrinsecum a re, sicut et locus; unde etiam in celo, in quo non est possibilitas respectu alterius quantitatis vel accidentis interius inherentia, est tamen in eo possibilitas respectu loci et situ, cum localiter moveatur; et etiam respectu temporis, cum semper tempus succedit temporis, sicut est successio in motu et in ubi; unde non potest dici, quod neque tempus neque ubi consequatur naturam ejus, sicut de quantitate dicebatur. Unde patet quod ex simplici Dei voluntate dependet quod præfiguratus universus determinata quantitas durationis, sicut et determinata quantitas dimensions. Unde non potest necessario concludi aliquid de universi duratione, ut per hoc ostendit possit demonstrative mundum semper fuisse.

Quidam vero non considerantes exitum universi a Deo, coacti sunt circa inceptionem mundi errare. Quidam namque causam agentem prætermittentes, solam materiam a nullo creatam ponentes, quæ omnium causa esset, sicut antiquissimi Naturales, necessario habuerunt dicere materiam semper fuisse. Cum enim nihil se educat de non esse in esse, oportet causam aliam habere quod incipit esse; et hi posuerunt vel mundum semper fuisse continue, quia non poneant nisi naturaliter agentia que determinabantur ad unum, ex quo oportebat quod semper idem effectus sequeretur; vel cum interruptione, sicut Democritus; qui ponebat mundum vel mundos potius multoties fuisse compositos et dissolutos casu, propter casualem motum atomorum.

Sed quia inconveniens videbatur quod omnes convenientias et utilitates in rebus naturalibus existentes essent a casu,

cum semper vel in pluribus inveniantur; quod tamen necesse erat sequi, si solum materia poneretur, et praeceps cum inveniantur quidam effectus ad quos causalitas materie non sufficit; ideo alii posuerunt causam agentem, sicut Anaxagoras intellectum, et Empedocles amicitiam et litem. Sed tamen isti non posuerunt hujusmodi causas agentes universi esse, sed ad modum aliorum particularium agentium, que agunt materiam transmutando de uno in aliud. Unde necesse erat eis dicere quod materia esset aeterna, utpote non habens causam sui esse; sed mundum incepisse: quia omnis effectus cause agentis per motum sequitur suam causam in duratione eo quod effectus non est nisi in termino motus, ante quem est principium motus, cum quo simul oportet esse agens, a quo est principium motus.

Aristoteles vero (lib. VIII Phys.) considerans, quod si natura causa constituens mundum agere per motum, sequeretur quod sit abire in infinitum, quia ante quilibet motum erit motus, posuit mundum semper fuisse. Non enim processit ex consideratione illa qua intelligit exitus universi esse a Deo, sed ex illa consideratione qua ponitur aliquod agens incipere operari per motum; quod est particularis cause, et non universalis. Et propter hoc ex motu et immobilitate primi motoris, rationes suas sumit ad mundi aeternitatem ostendendam; unde diligenter consideranti, rationes ejus apparent quasi rationes disputantis contra positionem; unde in principio VIII Phys., mota questione de aeternitate motus, premitit opiniones Anaxagorae et Empedoclis, contra quas disputare intendit.

Sed sequaces Aristotelis considerantes extitum totius universi a Deo per suam voluntatem, et non per motum, conati sunt ostendere mundi aeternitatem per hoc quod voluntas non retardat facere quod intendit, nisi propter aliquam innovationem vel immutationem, saltem quam necesse est imaginari in successione temporis, dum vult facere hoc tune et non prius. Sed isti etiam in defectum similem inciderunt in quem et praedicti. Consideraverunt enim primum agens ad similitudinem alieius agentis quod suam actionem exercet in tempore, quamvis per voluntatem agat; quod tamen non est causa ipsius temporis, sed tempus presupponit. Deus autem est causa etiam ipsius temporis. Nam et ipsum tempus in universitate eorum quae a Deo facta sunt contmetur; unde cum de exitu universi esse a Deo loquimur, non est considerandum, quod tune et non prius fecerit. Ista enim consideratio tempus presupponit ad factiōnem, non autem subjicit factio[n]i. Sed si universitat[er] creature productionem consideramus, inter quas est etiam ipsum tempus, est considerandum quare tali tempore talem mensuram praefixerit, non quare hoc fecit in tali tempore. Praefixio autem mensuræ temporis dependet ex simplici voluntate Dei, qui voluit

quod mundus non esset semper, sed quandoque esse inciperet, sicut et voluit quod celum nec esset maius vel minus.

AD PRIMUM ergo dicendum, quod bonitatis proprium est producere res in esse mediante voluntate, cuius est objectum; unde non oportuit quod quandocumque fuit divina bonitas, res producerentur in esse, sed secundum dispositionem voluntatis divine.

AD SECUNDUM dicendum, quod in corpore coelesti, cum sit incorruptibile, est virtus ut sit semper; sed nulla virtus neque essendi neque operandi respicit praeteritum, sed solum praesens vel futurum; nullus enim habet virtutem ad hoc quod aliquid fecerit, quia quidquid non est factum, non potest factum fuisse; sed habet aliquis virtutem ad hoc ut nunc vel in posterum faciat: unde et virtus existendi semper, quae inest coelo, non respicit praeteritum, sed futurum.

AD TERTIUM dicendum, quod non potest dici, simpliciter loquendo, celum esse corruptibile propter hoc quod in non esse deciderit, si a Deo non contineretur. Sed tamen quia creaturam contineri in esse a Deo, dependet ex immobilitate divina, non ex necessitate naturae, ut possit dici quod sit necessarium absolute, cum si necessarium solum ex suppositione divina voluntatis, quae hoc immobiliter statuit; potest concedi secundum quid corruptibile esse coelum, cum hac scilicet conditione, si Deus ipsum non contineret.

AD QUARTUM dicendum, quod omnis effectus habet necessarium habitudinem ad suam causam efficientem, sive sit causa naturalis, sive voluntaria. Sed non ponimus Deum causam mundi ex necessitate naturae sua, sed ex voluntate, ut supra, art. 15, dictum est; unde necessarium est effectum divinum sequi non quandocumque natura divina fuit, sed quando dispositum est voluntate divina ut esset, et secundum modum eundem quo voluit ut esset.

AD QUINTUM dicendum, quod ante tempus aliquid esse, potest intelligi dupliciter. Uno modo ante totum tempus, et ante omne id quod est temporis; et sic mundus non fuit ante tempus, quia instans in quo incepit mundus, licet non sit tempus, est tamen aliquid temporis, non quidem ut pars, sed ut terminus. Alio modo intelligitur aliquid esse ante tempus, quia est ante temporis completionem; quod non completerit nisi in instanti ante quod est aliud instans; et sic mundus est ante tempus. Non autem oportet propter hoc quod sit aeternus; quia nec ipsum instans temporis quod sic est ante tempus est aeternum.

AD SEXTUM dicendum, quod cum omne agens agat sibi simile, oportet quod effectus hoc modo sequatur a causa efficaciter operaete, quod similitudinem cause retineat. Sicut (1)

(1) *Ali. deest autem.*

autem quod est a causa naturaliter agente, retinet similitudinem ejus prout habet formam similem formae agentis; ita quod est ab agente voluntario, retinet similitudinem ejus, prout habet formam similem causae, secundum quod hoc producitur in effectu quod est in voluntatis dispositione, ut patet de artificio respectu artificis. Voluntas autem non disponit solum de forma effectus, sed de loco, duratione, et omnibus conditionibus ejus; unde oportet quod effectus voluntatis tunc sequatur quando voluntas disponit, non quando voluntas est. Non enim secundum esse, sed secundum id quod voluntas disponit, effectus voluntati similatur. Licit igitur voluntas semper sit eadem, non tamen oportet quod semper ex ea effectus sequatur.

AD SEPTIMUM dicendum, quod Deus de necessitate vult suam bonitatem et omne id sine quo sua bonitas esse non potest. Tale autem non est creaturarum productio; unde ratio non sequitur.

AD OCTAVUM dicendum, quod cum Deus creaturas ad manifestationem sui produxerit, convenientius fuit et melius ut sic producerentur, sicut convenientius et expressius eum poterant manifestare. Expressus autem manifestatur ex creaturis, si non semper sint; quia in hoc manifeste appetat quod ab alio educta sunt in esse, et quod Deus creaturis non indiget, et quod creature omnino divinae subjacent voluntati.

AD NONUM dicendum, quod Deus aeternam voluntatem habuit de mundi factione; non tamen ut mundus semper fieret, sed ut tunc fieret quando fecit.

AD DECIMUM dicendum, quod antequam mundus esset, possibile erat mundum fieri, non quidem aliqua potentia passiva, sed solum per potentiam activam agentis. Vel potest dici, quod fuit possibile non per aliquam potentiam, sed quia termini non sunt invicem discoharentes, hujusmodi scilicet propositionis: Mundus est. Sic enim dicitur esse aliquid possibile secundum nullam potentiam, ut patet per Philosophum, in V Metaph. (com. XVI).

Et per hoc patet solutio AD UNDECIMUM.

AD DECIMUSCUNDUM dicendum, quod ratio illa procedit de agente quod incipit agere actione nova; sed Dei actio est aeterna, cum sit sua substantia. Dicitur autem incipere agere ratione novi effectus, qui ab alterna actione consequitur secundum dispositionem voluntatis, que intelligitur quasi actionis principium in ordine ad effectum. Effectus enim ab actione sequitur secundum conditionem formae, que est actionis principium; sicut aliquid est calefactum per calefactionem ignis, ad modum caloris ignis.

AD DECIMUERTERIUM dicendum, quod ratio illa procedit de agente quod ita facit effectum suum in tempore, quod tamen non est temporis causa; quod in Deo locum non habet, ut ex supra dictis, art. 15, patet.

AD DECIMUQUARTUM dicendum, quod si motus proprie accipiatur, divina voluntas non moverit; sed metaphorice loquendo dicitur moveri a suo volito; et sic sola Dei bonitas movet ipsam, secundum quod Augustinus dicit (VIII super Genes. ad litteram, cap. XXII, in fine) quod Deus movet seipsum sine loco et tempore. Nec tamen sequitur quod quandocunque fuit bonitas ejus, tunc esset creaturarum productio; quia creaturæ non procedunt a Deo ex debito vel necessitate bonitatis, cum divina bonitas creaturis non egeat, nec per eas ei aliquid accrescat, sed ex simplici voluntate.

AD DECIMUQUINTUM dicendum, quod, cum prima successio temporis causetur ex motu successionis, ut dicitur in IV Phys. (com. XCIX), secundum hoc verum est quod omne instans est principium et finis temporis, secundum quod verum est quod omne momentum est principium et finis motus; unde si supponamus motum non semper fuisse nec semper futurum esse, non oportebit dicere quod quilibet instans sit principium et finis temporis; sed erit aliud instans quod est tantum principium, et aliud quod tantum finis. Unde patet quod ratio ista est circularis, et propter hoc non est demonstratio; sed tamen est efficax secundum intentionem Aristotelis, qui eam inducit contra positionem, ut dictum est, in corp. art. Multe enim rationes sunt efficaces contra positionem propter ea quae ab adversariis ponuntur, que non sunt efficaces simpliciter.

AD DECIMUSEXTUM dicendum, quod instans semper consideratur ut fluens, sed non semper ut fluens ab aliquo in aliud, sed quandoque ut fluens ab aliquo tantum, sicut ultimum instans temporis; quandoque ut fluens in aliud tantum, sicut primum instans.

AD DECIMUOCTAVUM dicendum, quod illa ratio non probat quod motus semper fuerit, sed quod motus circularis possit esse semper, quia ex mathematicis non potest aliiquid efficaciter de motu concludi; unde Aristoteles (VIII Phys.) non probat ex circuitione motus, ejus aeternitatem; sed supposito quod sit aeternus, ostendit quod est circularis; quia nullus aliis motus potest esse aeternus.

Et per hoc patet responso AD DECIMUOCTAVUM.

AD DECIMUNONUM dicendum, quod sicut se habet scibile ad scientiam nostram, ita se habet scientia Dei ad creaturas. Nam scientia Dei est causa creaturarum, sicut et scibile est causa scientiarum nostrarum; unde sicut scibile potest esse, scientia nostra non existente, ut dicitur in Prædicamentis (in Prædicamento ad aliquid, a medio), ita Dei scientia esse potest, scibile non existente.

AD VICESIMUM dicendum, quod Deus præcedit mundum duratione, non quidem temporis, sed aeternitatis, quia esse Dei non mensuratur tempore. Nec ante mundum fuit tempus reale, sed

solum imaginarium, prout scilicet nunc possumus imaginari infinita temporum spatia aeternitate existente potuisse revolvi ante temporis inceptionem.

AD VICESIMUMPTRIMUM dicendum, quod si relatio dominii intelligatur consequi actionem qua Deus actualiter creaturem gubernat, sic non est ab aeterno Dominus. Si autem intelligatur consequi ipsam potentiam gubernandi, sicut competit ei ab aeterno. Nec tamen oportet creaturem ab aeterno ponere, nisi in potentia.

AD VICESIMUMSECUNDUM dicendum, quod ratione illa utitur Augustinus (lib. III contra Maxim., cap. vii et viii, a med., et cap. xxiii), ad probandum coeternitatem et cosequalitatem Filii ad Patrem; quez tamen ratio non est efficax de mundo; quia cum natura Fili sit eadem cum Patre, requirit aeternitatem et aequalitatem Patris; que si sibi subtraheretur, invidiae esset. Non autem hoc requirit natura creature; et ideo non est simile.

AD VICESIMUMTERTium dicendum, quod secundum grecos dicitur: *Dominus regnabit in saeculum saeculi, et adhuc;* quod expponens Origenes in Glossa, dicit, quod saeculum intelligitur spatium unius generationis, cuius finis notus est nobis: per saeculum saeculi immensus spatium temporis, quod finem habet, tamen nobis ignotum; sed adhuc ultra illud, regnum Dei extenditur. Et sic aeternum exponit pro tempore diuturno. Ansemus autem in Prolog. (cap. xix et xx), exponit aeternum pro aeterno, quod nunquam finem habet; et tamen ultra illud Deus esse dicitur propter hoc. Primo, quia aeterna possunt intelligi non esse. Secundo, quia non essent, nisi a Deo continerentur, et sic de se non sunt. Tertio, quia non habent totum esse suum simul, cum in eis sit aliqua mutationis successio.

AD VICESIMUMQUARTUM dicendum, quod pro tanto oportet illud quod incipit, habere mensuram durationis, quia incipit per motum. Sic autem tempus non incipit per creationem, unde ratio non sequitur; et tamen potest dici, quod omnia mensura in suo genere seipsa mensuratur, sicut linea per lineam, et similiter tempus per tempus.

AD VICESIMUMQUINTUM dicendum, quod tempus non se habet sicut permanentia, quorum substantia est tota simul; unde non oportet quod totum tempus sit quando incipit esse; et sic nihil prohibet dicere, quod tempus incipit in instanti esse.

AD VICESIMUMSEXTUM dicendum, quod actio Dei est aeterna, sed effectus non est aeternus, ut supra dictum est; unde licet Deus non semper fuerit causa, cum non semper fuerit effectus; non tamen sequitur quod non fuerit causa in potentia; quia actio eius semper fuit: nisi potentia ad effectum referatur.

AD VICESIMUMSEPTIMUM dicendum, quod secundum Philosophum (in VII Metaph., com. viii), verum est in mente, non in rebus; est enim adaequatio intellectus ad res. Unde omnia que-

fuerunt ab aeterno, fuerunt vera per veritatem intellectus divini, que est aeterna.

AD VICESIMUMOCTAVUM dicendum, quod omnia illa que ab aeterno dicuntur esse vera, non sunt alia et alia veritate vera, sed una et eadem divini intellectus veritate, ad diversas tamen res in proprio esse futuras relata; et sic ex diversa relatione potest aliqua distinctio in illa veritate designari.

AD VICESIMUMNONUM dicendum, quod verbum etiam philosophi intelligitur de oratione existente in nostro intellectu vel in nostra pronuntiatione; veritas enim nostri intellectus vel verbi, ab existentia rei causatur. Sed e converso veritas divini intellectus est causa rerum.

AD TRICESIMUM dicendum, quod ex parte ipsius Dei *facere* non importat aliquid quod sit aliud quam suum *dicere*; non enim actio Dei est accidens, sed ejus substantia; sed *facere* importat effectum actualiter existentem in propria natura, quod per *dicere* non importatur.

Argumenta vero que objiciuntur in contrarium, licet verum concludant, non tamen necessario, praeter primum, quod ex auctoritate procedit. Argumentum enim perspicacitatem secundum temporis cursum, non ostendit tempus quandoque incepisse. Potuit enim esse quod scientiarum studia plures fuerint intermissa, et postmodum post longa tempora quasi de novo incepta, ut Philosophus etiam dicit (in VI Metaph.). Terra etiam non ita per illuvionem ex una parte consumitur, quin etiam per mutuam elementorum conversionem ex parte alia augmentetur; duratio etiam Dei, licet sit idem quod ejus natura secundum rem, tamen differt ratione; unde non oportet quod sit prior duratione, si est prior natura.

ARTICULUS XVIII. — *Utrum Angeli sint creati ante mundum visibilem.*

Decimoctavo queritur, utrum Angeli sint creati ante mundum visibilem. Et videtur quod sic. Quia (ut Damascenus refert in II libro) Gregorius Nazianzenus dicit, quod Deus primum excogitavit angelicas virtutes et celestes; et excogitatio fuit opus ejus. Ergo prius fecit Angelos quam mundum visibilem conderet.

2. Sed dicendum, quod ly *primum* dicit ordinem naturae, non durationis. — Sed contra, Damascenus ibidem ponit super hoc duas opiniones: quarum una ponit, Angelos primum fuisse creatos, alia vero dicit contrarium. Sed nulla unquam opinio posuit quin Angelii natura priores essent visibilibus creaturis. Ergo oportet quod intelligatur de ordine durationis.

3. Praeterea, Basilius dicit in principio Hexameron (homilia 1): *Erat quedam natura ante hunc mundum intellectu-*

nostro contemplabilis; quod postmodum exponit de Angelis; ergo videtur quod ante hunc mundum Angelii sint creati.

4. Præterea, ea quae cum mundo visibili facta sunt, Scriptura in principio Genesis prosequitur. Sed de Angelis nullam facit mentionem. Ergo videtur quod Angelii non fuerunt creati cum mundo, sed ante mundum.

5. Præterea, illud quod ordinatur ad perfectionem aliquius sicut ad finem, est eo posterius. Sed mundus visibilis ordinatur ad perfectionem intellectualis naturæ: quia, ut Ambrosius dicit (in Hexameron, lib. I, cap. v), Deus, qui natura invisibilis est, opus visibile fecit, per quod cognosci possit. Et non nisi a rationali creature. Ergo rationalis creature facta est ante mundum visibilem.

6. Præterea, quidquid est ante tempus, est ante mundum visibilem: quia tempus cum mundo visibili incepit. Sed Angelii creati sunt ante tempus: non enim fuit tempus ante diem; Angelii autem creati sunt ante diem, ut Augustinus dicit (in I super Genes, ad litt., cap. ix). Ergo Angelii creati sunt ante mundum visibilem.

7. Præterea, Hieronymus dicit super Epistolam ad Titum, cap. i: *Sea milia secundum nostri temporis implentur annorum; et quantas prius aeternitates, quanta tempora fuisse arbitrandem est, in quibus Angelii Deo servierunt, et cojubente substituerunt?* Sed mundus visibilis cum nostro tempore incepit. Ergo Angelii ante mundum visibilem fuerunt.

8. Præterea, sapientis est ordinate suum effectum producere. Sed Angelii præcedunt nobilitatem creaturarum visibilium. Ergo a sapientissimo artifice Deo, primo debuerunt produci in esse.

9. Præterea, Deus, in quantum bonus est, sue bonitatis alios participes facit. Sed hujus dignitatis capaces erant Angelii, quod creaturam visibilem duratione precederent. Ergo videtur hoc eis per summam Dei bonitatem collatum.

10. Præterea, homo dicitur minor mundus, quia majoris mundi similitudinem gerit. Sed in homine pars ejus nobilior ante alias partes formatur, scilicet cor, ut Philosophus dicit (II de gener. animal., capit. iv). Ergo videtur quod Angelii, qui sunt nobilior pars majoris mundi, ante visibiles creature sint conditi.

11. Præterea, ut Augustinus dicit (in II libro super Genes, ad litteram, cap. viii et viii), in opere secundæ diei et deinceps tripliciter Scriptura rerum factio[n]em commemorat. Dicit enim primo: *Dixit Deus, Fiat firmamentum.* Secundo: *Et factum est ita.* Tertio vero: *Fecit Deus firmamentum.* Quorum primum referunt ad esse rerum in Verbo; secundum ad esse rerum in cognitione angelica, prout Angelii accipiunt cognitionem creature flende; tertium vero ad esse creature in propria natura.

Sed quando creatura visibilis erat fienda, nondum erat. Ergo Angelii fuerunt et habuerunt cognitionem naturæ visibilis antequam esset.

12. Sed dicendum, quod hic intelligitur de factio[n]e creaturae quantum ad ejus formationem, non quantum ad primam creationem. — Sed contra, secundum opinionem Augustini (lib. I super Gen. ad litt., cap. xv), creatio naturæ visibilis non praedit tempore ejusdem formationem. Si ergo Angelus fuit ante formationem creature visibilis, fuit et ante ejus creationem.

13. Præterea, dicere Dei est causa creature fienda; quod non videtur posse intelligi de æterna Verbi genitura, quia illa ab ætero fuit, nec per vices temporum repeatitur; cum tamen in singulis diebus Scriptura repeatat Deum aliud dixisse. Nec etiam potest intelligi de locutione corporali; tum quia nondum erat homo, qui vocem Dei loquens audiret; tum etiam quia oportuisset ante lucis formationem aliquod aliud corporeum formatum fuisse, cum vox corporalis non fiat nisi per aliquius corporis formationem. Ergo videtur quod intelligatur de spirituali locutione que Deus ad Angelos loquitur; et sic videtur quod Angelorum cognitione presupponatur ut causa ad creaturam visibilium productionem.

14. Præterea, ut supra dictum est, sacra Scriptura tripliciter actionem rerum commemorat: quorum primum pertinet ad esse rerum in Verbo; secundum ad esse rerum in cognitione angelica; tertium in propria natura. Sed primum horum praedit secundum et duratione et causa. Ergo similiter secundum praedit tertium duratione et causa, scilicet cognitione angelica existentiæ visibilis creature.

15. Præterea, non minus requiritur ordo in exitu rerum a principio quam in reductione earum in finem. Sed in reducendo res in finem, haec est lex Divinitatis statuta, ut Dionysius dicit (cap. v eccl. Hier., p. 1), quod ultime reducantur in finem per media. Ergo similiter creature corporales que sunt infimæ, procedunt a Deo per angelicas creature, que sunt mediae: et sic Angelii corporales creature præcedunt, sicut causæ effectionis.

16. Præterea, eis que sunt omnino disparata, non competit associatio. Sed Angelii et creature visibles sunt omnino disparata. Ergo non sunt associati in creatione, ut simul fierent. Inordinatum etiam esset quod Angelii post creature visibles fierent. Ergo ante creature visibles sunt conditi.

17. Præterea, Eccli., 1, 4, dicitur: *Primo omnium creata est sapientia;* quod non potest intelligi de Filio Dei, qui est Patris sapientia; cum ipse non sit creatus, sed genitus. Ergo sapientia angelica, quæ est creatura, est ante omnia alia facta.

18. Præterea, Hilarius dicit in lib. de Trinit. (lib. XII de Trin., a med.): *Quid mirum, si Dominum nostrum Jesum Christum*

ante secula fuisse confiteamur, cum etiam Deus Angelos fecerit ante mundum? Sed Dei Filius non solum ordine dignitatis sed etiam durationis omnia secula præcessit. Ergo et Angeli mundum visibiles.

19. Præterea, creatura angelica media est inter naturam divinam et corpoream: ævum etiam. quod est Angeli mensura, medium est inter eternitatem et tempus. Sed Deus sua æternitate fuit ante Angelos et visibilem creaturam. Ergo et Angeli suo ævo fuerunt ante mundum visibilem.

20. Præterea, Augustinus dicit (XI de Civit. Dei, cap. IX), quod Angeli semper fuerunt. Sed non potest dici quod creatura corporalis semper fuerit. Ergo Angeli fuerunt ante corpoream creaturam.

21. Præterea, motus creaturas corporeas peraguntur per ministerium spiritualis creature, ut patet per Augustinum (in III de Trin.), et per Gregorium (in IV Dialogorum). Sed motor præcedit mobile. Ergo Angeli fuerunt ante visibles creature.

22. Præterea, Dionysius assimilat actionem divinam in res actioni ignis in corpora quæ ab igne patiuntur. Sed ignis prius agit in corpora propinquæ quam in remota. Ergo et divina bonitas primo produxit creaturas angelicas sibi propinquas, quam creaturas corporeas magis ab eo distantes: et sic Angeli ante mundum fuerunt.

Sed contra est quod dicitur in principio Genes.: *In principio creavit Deus celum et terram;* ubi Glossa Augustini dicit, quod per celum intelligitur natura angelica, per terram vero natura corporalis. Ergo Angeli simul cum natura corporali fuerunt facti.

Præterea, Glossa Strabonis ibidem dicit, quod per celum ibi intelligitur celum empyreum, quod mox factum sanctis Angelis est repletum. Ergo Angeli simul fuerunt facti cum celo empyreo, quod est visibilis creatura.

Præterea, homo minor mundus dicitur, quia habet similitudinem majoris mundi. Sed in homine simul fit corpus et anima. Ergo et in mundo majori simul fit angelica et corporalis creatura.

Respondeo dicendum, quod in hoc omnes catholici Doctores consenserunt, quod Angeli non semper fuerunt, utpote de nihilo in esse producti. Quidam tamen posuerunt Angelos non simul cum mundo visibili, sed ante mundum visibilem incepisse. Ad hoc autem ponendum diversi rationibus sunt moti. Quidam namque aestimaverunt creaturas corporeas non esse productas ex prima Dei intentione, sed occasionem eas producendi ex merito vel demerito spiritualium creature Deum habuisse dixerunt. Posuit enim Origenes, a principio simul creatas esse omnes creaturas immateriales et rationales, et eas fuisse aequales, divina justitia hoc exigente. Non enim videtur quod inaequalitas possit esse in datis, justitia servata, nisi propter meriti vel de-

meriti diversitatem. Unde diversitatem creaturarum (quam videmus) præcessisse posuit meriti et demeriti diversitatem, ut secundum quod spiritualium creaturarum quædam magis Deo adhæserunt, in altiores ordines Angelorum sint promote: quæ vero magis peccaverunt, grossioribus et ignobilioribus corporibus sint alligate; quasi ipsa meritorum diversitas exegerit diversos gradus corporum a Deo produci. Hanc autem positionem Augustinus reprobat (in II de Civit. Dei, cap. XXIII). Causam enim creaturarum condendarum, tam spiritualium quam corporalium, constat nihil aliud esse quam Dei bonitatem, in quantum creaturae sue sua bonitate creare bonitatem increatam secundum suum modum representant. Propter quod (in princ. Genes.) Scriptura dicit de singulis Dei operibus, et postmodum de omnibus simul: *Vidit Deus cuncta quæ fecerat, et erant valde bona;* quasi dicaret, quod ad hoc Deus creaturas condidit, quod bonitatem haberent. Secundum autem opinionem prædictam non ad hoc condita fuissent creature corporales, quia bonum esset eas esse, sed ut malitia spiritualis creature puniretur. Sequeretur etiam quod ordo universi quem nunc videmus, a casu existere, in quantum accidit quod diversæ rationales creature diversimode peccaverunt. Si enim omnes peccassent aquiliter, nulla diversitas naturarum in corporibus esset, secundum eos.

Unde hac positione remota, alii ex consideratione natura-spiritualium substantiarum, quæ est dignior omni natura corporali, posuerunt spirituales substancias ante corporales conditas esse; ut sicut natura spiritualis creata, media est ordine naturæ inter Deum et creaturam corporalem; ita etiam sit media duratione. Hec autem opinio cum fuerit magnorum Doctorum, scilicet Basillii, Gregorii Nazianzeni, et quorundam aliorum, non est tamquam erronea reprobanda. Sed si diligenter consideretur alia opinio, quæ est Augustini et aliorum Doctorum, quæ etiam modo communiter tenetur, rationabilior invenitur. Angeli enim non solum sunt considerandi absolute, sed etiam in quantum sunt pars universi; et hæc consideratio eorum in tantum est magis attendenda, in quantum bonum universi præeminet bono cuiuslibet creaturæ particularis, sicut bonum totius præeminet bono partis. Secundum autem quod considerantur Angeli ut partes universi, competit eis quod simul cum creatura corporali sint conditi. Unius enim totius una videtur esse productio. Si autem seorsum essent Angeli creati, viderentur omnino alieni ab ordine creature corporalis, quasi aliud universum per se constitutæ. Unde dicendum est, quod Angeli simul cum creatura corporali sunt conditi; tamen sine alterius opinionis præjudicio.

Et per hoc patet responsio ad tria prima: quia procedunt secundum medium opinionem.

AD QUARTUM dicendum, quod sicut Basilius dicit in primo Hexam. (homil. 1, ante med.), Moyses legislator in princ. Genes. exordium visibilis creaturæ incepit expōne prætermissa creatura spirituali qua ante fuerat condita, de qua mentionem non fecit, quia rudi populo loquebatur; qui ad spiritualia capienda idoneus non erat. Secundum Augustinum vero creaturam spiritualem per cœlum intelligit, sicut per terram creaturam corporalem, cum dicit: *In principio creavit Deus cœlum et terram.* Quare autem sub metaphorâ cœli et non expresse creationem Angelorum tradidit, potest eadem ratio assignari qua et supra scilicet ex populi ruditate, et iterum ad vitandam idolatriam in quam prouinerant; ad quam daretur eis occasio si plures substantias spirituales ponerentur præter unum Deum, quae essent cœlo nobiliores; et præcipue cum hujusmodi substantiae a genitibus dii dicerentur. Secundum vero Strabonem (lib. II, cap. viii), et alios priores, per cœlum quod in auctoritate inducta ponitur, intelligunt cœlum empyreum quod est habitaculum sanctorum Angelorum, per metonymiam, sicut quando ponitur continens pro contento.

AD QUINTUM dicendum, quod, sicut dicit Augustinus (V super Genesim ad litteram, cap. v), Angeli non cognoscunt Deum ex visibilibus creaturis; unde creature visibles non sunt facte ut Deum ostenderent Angelis, sed rationali creaturae, quae est homo; unde ex hoc probatur homo esse finis creaturarum. Finis autem, licet sit primus in intentione, est tamen ultimus in operatione; unde et homo ultimo factus fuit.

AD SEXTUM dicendum, quod secundum Augustinum (lib I super Genes., cap. v), creatio cœli et terræ non praecessit duratio lucis formationem seu productionem; et ideo non intellegit quod creatio spiritualis naturæ fuerit ante primum diem duratione, sed quodam natura ordine; quia substantia spiritualis et materia informis secundum suam essentialim considerata, alteracionibus temporum non subjacent; unde per hoc etiam haberi non potest quod creatura spiritualis sit facta ante corporalem, quia etiam ante lucis factiōnem agitur de creatiōne creature corporalis, quae per terram intelligitur. Secundum vero alios creatio cœli et terræ ad primum diem perficit; quia cum cœlo et terra creatum est tempus; licet distinctio temporum quantum ad diem et noctem incepit per lucem; unde tempus ponitur unum de quatuor primo creatis, que sunt natura angelica, cœlum empyreum, materia informis et tempus.

AD SEPTIMUM dicendum, quod Hieronymus loquitur secundum opinionem antiquorum Doctorum.

AD OCTAVUM dicendum, quod ratio illa procederet, si unaquaque creatura produceretur ut existens per se absolute; sic enim conveniens esset ut unaquaque separatis crearetur secundum gradum sue bonitatis. Sed quia omnes creature produ-

cuntur ut partes unius universi, conveniens est ut omnes simul producantur ad unum universum constituendum.

AD NONUM dicendum, quod, licet ad aliquam dignitatem creature spiritualis pertineret, si ante creaturam visibilem esset creatura, non tamen competeret dignitati et unitati universi.

AD DECIMUM dicendum, quod, licet cor ante alia membra formetur, tamen totius corporis animalis est una continua generatio, non quod seorsum una generatione formetur cor, et postmodum successive aliis generationibus alia membra aliquibus temporibus interjectis. Hoc autem non potest dici in creatione Angelorum et corporalium creaturarum, quod una productione sint condita, scilicet spiritualis creatura ante corporalem, quasi continuo universum sit productum; producere enim successive est in producendis his quae ex materia producuntur, in qua est una pars vicinior complemento quam alia; unde in prima rerum creatione successio locum non habet, etsi in formatione rerum ex materia creata possit locum habere; unde et doctores qui posuerunt Angelos ante mundum creatos, posuerunt omnino distinctionem creationem Angelorum et corporum, et multam durationem medianam intervenisse. Et præterea cor necesse est in animali prius formari, quia virtus cordis operatur ad formationem aliorum membrorum. Creatura autem spiritualis non operatur ad creationem corporalium creaturarum, cum solius Dei sit creare. Unde et Commentator (in XI Metaph., com. XLIV, imponit Platoni, quod dixerit, quod Deus primo creavit Angelos, et postea commisit eis creationem corporalium creaturarum.

AD UNDECIMUM dicendum, quod Augustinus loquitur de factione creaturarum corporalium, non quantum ad primam creationem, sed quantum ad formationem.

AD DUODECIMUM dicendum, quod sustinendo quod omnia sint simul creata in forma et materia, creatura spiritualis dicitur habuisse cognitionem creaturæ corporalis fiende, non quia ejus formatio esset tempore futura, sed quia cognoscetur ut futura, prout considerabatur in sua causa, in qua erat ut ex ea posset procedere; sicut qui cognoscit aream in principiis ex quibus fit, potest dici eam cognoscere ut fiendam.

AD DECIMUS TERTIUM dicendum, quod dicere Dei intelligitur de aeterna verbi Dei generatione, in quo ab aeterno fuit ratio omnium creaturarum condendarum. Nec tamen ideo frequenter repetitur in singulis operibus, *Dixit Deus*, quasi temporaliter dixerit; sed quia licet verbum in se sit unum, tamen in eo est propriæ ratio singularium creaturarum. Sic ergo singulis operibus præmittitur Dei verbum sicut propria ratio operis fiendi, ne factò opere necesse sit querere quare tale opus sit factum, cum ante operis conditionem sit dictum, *Dixit Deus*; sicut cum aliquis volens assignare aliquajus rei causam, incipit a cause cognitione.

AD DECIMUMQUARTUM dicendum, quod esse rerum in verbo est causa esse rerum in propria natura; sed esse rerum in cognitione angelica non est causa esse rerum in propria natura; et ideo non est simile.

AD DECIMUMQUINTUM dicendum, quod res in finem ordinatur per suam operationem. Non autem producitur in esse per suam operationem, sed solum per operationem causae agentis. Unde magis est conveniens quod creature superiores cooperentur Deo in reducendo creaturem inferiores in finem, quam in earum productione.

AD DECIMUMSEXTUM dicendum, quod licet creature corporales et spirituales sint disparatae secundum proprias naturas, tamen sunt connexae secundum ordinem universi; et ideo oportuit quod simul crearentur.

AD DECIMUMSEPTIMUM dicendum, quod illa auctoritas Eccl., secundum Augustinum (XII Confess., cap. xv), intelligitur de sapientia creata que est in natura angelica, qua tam secundum ipsum non prius creata est tempore sed dignitate. Secundum vero Hilarius in lib. de Synodis intelligitur de sapientia invenata, que est Filius Dei; que quidem simul dicitur et creata et genita, ut patet Prover. viii, et in diversis Scriptura locis, ut omnis imperfectio a nativitate Fili Dei excludatur. In creatione enim attenditur imperfectio ex parte creati, in quantum de nihilo in esse educitur; sed perfectio ex parte creantis, qui absque sui immutatione creaturem producit. In nativitate vero est e contrario; quia imputatur perfectio ex parte natu in quantum accipit naturam generantis; sed imperfectio ex parte generantis secundum modum inferioris generationis, in quantum generat cum sui immutatione, vel divisione sue substantiae. Et ideo simul Filius Dei et creatus et genitus dicitur, ut per creationem excludatur generantis mutatio, et ex nativitate geniti imperfectio, ut ex utroque unus intellectus constitutur perfectus.

AD DECIMUMOCTAVUM dicendum, quod Hilarius loquitur secundum opinionem antiquorum Doctorum.

AD DECIMUMNONUM dicendum, quod Deus est causa naturae angelicae; non autem natura angelica causa est naturae corporalis; et ideo non est simile.

AD VICESIMUM dicendum, quod Angeli dicuntur semper fuisse, non quia ab aeterno fuerunt, sed quia omni tempore fuerunt; quia quandocumque fuit tempus, fuerunt Angeli. Et per hunc etiam modum creature corporales semper fuerunt.

AD VICESIMUMPRIMUM dicendum, quod motor non de necessitate praecedit tempore mobile, sed dignitate, sicut patet in anima et corpore.

AD VICESIMUMSECUNDUM dicendum, quod in actione ignis in corpora, duplex ordo est considerandus: scilicet situs, et tem-

poris. Ordo situs est in omni actione ejus; eo quod omnis actio ejus est situialis, et in corpora sibi magis propinquia plenus suam actionem exercet; unde ulterius procedendo intantum debilitatur ejus effectus, quod tandem totaliter deficit. Ordo autem temporis non attenditur in omni ejus actione, sed solum in illa qua agit per motum. Unde cum ignis illuminet et calefaciat corpora, in calefactione servatur ordo situs et temporis; sed in illuminatione, que non est motus sed terminus motus, attenditur tantum ordo situs. Quia ergo actio Dei quantum ad creationem est absque motu, non attenditur similitudo quantum ad ordinem temporis, sed solum quantum ad ordinem situs. Idem enim est in actione spirituali diversus gradus nature, quod in actione corporali diversus situs. Quantum ergo ad hoc attenditur similitudo Dionysii, quod sicut ignis in corpora sibi vicina plenus suam virtutem effundit, ita Deus rebus sibi propinquioribus gradu dignitatis, copiosius suam bonitatem distribuit.

ARTICULUS XIX. — *Utrum potuerint esse Angeli ante mundum visibilem.*

Decimonono queritur, utrum potuerint esse Angeli ante mundum visibilem. Et videtur quod non. Quaecumque enim ita se habent quod duo ex ipsis non possunt esse in uno loco distincta, requirunt loci diversitatem. Sed duo Angeli non possunt esse in eodem loco, ut communiter dicuntur. Ergo non potest intelligi quod essent duo Angeli distincti, nisi sint duo loca distincta. Sed ante creaturam visibilem non fuit locus, cum locus, secundum Philosophum (IV Phys., com. xxxv), non sit nisi ultimum corporis continentis. Ergo ante mundum visibilem Angeli esse non potuerint.

2. Praeterea, productio creature corporalis Angelis nihil de eorum virtute naturali admittit. Si ergo non facto mundo visibili Angeli absque loco esse potuerint, etiam nunc mundo visibili facto absque loco esse possent; quod videtur esse falsum; quia si non essent in loco, nusquam essent, et sic viderentur non esse.

3. Praeterea, Boetius dicit, quod omnis spiritus creatus corpore indiget. Sed Angelus est spiritus creatus. Ergo indiget corpore, et ita ante creaturam corporalem esse non potuit.

4. Sed diceretur, quod indiget corpore non quantum ad esse, sed quantum ad ministerium. — Sed contra, ministerium Angelorum exercetur ubi nos sumus, scilicet in hoc mundo. Sed Angeli habent locum corporalem etiam extra habitationem nostram, scilicet celum empyreum. Ergo non solum indigent corpore in loco corporali propter ministerium nostrum.

5. Praeterea, impossibile est imaginari prius et posterius sine tempore. Sed si Angeli fuissent ante mundum, prius fuis-

set principium quo Angeli esse cœperunt, quam principium quo mundus visibilis esse cœpit. Ergo tempus incepisset ante mundum visibilem; quod est impossibile, cum tempus sequatur ad motum, et motus ad mobile. Ergo impossibile est quod Angeli fuerint ante mundum.

Sed contra, illud quod in creaturis contradictionem non implicat, est Deo possibile. Sed Angelos esse, creatura visibili non existente, nullam contradictionem implicat. Ergo non fuit Deo impossibile producere Angelos ante mundum.

Respondeo dicendum, quod, sicut Boëtius dicit (in libro de Trinit.), in divinis (1) non oportet ad imaginationem deducit, et similiter nec in corporalibus omnibus; quia cum imaginatio sit sequela sensus, ut per Philosophum patet (in lib. de Anima, II, com. CXLI), imaginatio non potest extendi ultra quantitatem, qua est qualitas sensibilium subjectum. Hoc autem quidam non attendentes, nec imaginationem transcendere valentes, non potuerunt aliiquid intelligere nisi per modum rei situatis, et propter hoc quidam antiqui dixerunt, quod illud quod non est in loco, non est, ut in IV Physic. (com. LIV) dicunt. Et ex simili errore quidam moderni dixerunt, quod Angelis absque creatura corporali esse non possunt, intelligentes Angelos tamquam ea qua imaginaverunt situalter distincta; quod quidem praedit sententiae antiquorum, qui Angelos ante mundum fuisse posuerunt; prajudicat etiam dignitati angelice naturae, que cum naturaliter sit prior quam creatura corporalis, nullo modo a creatura corporali dependet. Et ideo simpliciter dicimus, quod Angelii esse potuerunt ante mundum.

AD PRIMUM ergo dicendum, quod duos Angelos esse in uno loco indivisibili non impedit eorum distinctio, sed operationum confusio; unde ratio non sequitur.

Ad SECUNDUM dicendum, quod etiam nunc nihil prohibet Angelos non esse in loco, si voluerint, etsi etiam semper sint in loco propter ordinem quo creatura spiritualis præsidet corporali, secundum Augustinum (III de Trinit., cap. iv).

Ad TERTIUM dicendum, quod, sicut ipse Boëtius exponit, Angeli indigent corpore solum quantum ad ministerium, non quantum ad naturae complementum.

Ad QUARTUM dicendum, quod Angeli sunt in celo empyreo, ut in loco qui est contemplationi congruus, non tamen de necessitate contemplationis.

Ad QUINTUM dicendum, quod illa prioritas et posterioritas non cogit nos ponere ante mundum tempus reale, sed solum tempus imaginarium, ut in quæst. de aeternitate vel creatione mundi, art. 17, dictum est.

(1) *Al. quod in deis.*

QUÆSTIO IV

DE CREATIONE MATERIÆ INFORMIS

(Et habet articulos duos.)

Primo enim queritur, utrum creatio materiæ informis præcesserit duratione creationem rerum; 2º utrum materia informis tota simul fuerit, an successive.

ARTICULUS PRIMUS. — *Utrum creatio materiæ informis præcesserit durationem creationem rerum.* (I part., quæst. LXVI, art. 1, in corp. et quæst. LXVII et LXIX.)

Quæstio est, utrum creatio materiæ informis præcesserit duratione creationem rerum. Et videtur quod non. Quia, sicut dicit Augustinus (I super Genesim ad litteram, cap. xv, in princ.), materia informis præcedit formatam ex ea, sicut vox cantum. Sed vox non præcedit cantum duratione, sed solum natura. Ergo materia informis non præcedit res formatas duratione, sed solum natura.

2. Sed dicereatur, quod Augustinus loquitur de materia respectu formationis, que est per formas elementorum; que quidem formas statim a principio in materia fuerunt. — Sed contra, sicut aqua et terra sunt elementa, ita etiam ignis et aer. Sed Scriptura tradens informitatem materie facit mentionem de terra et aqua. Ergo si materia a principio habuisset formas elementares, pari ratione fecisset mentionem de aere et igne.

3. Præterea, formæ substanciales cum materia sunt causa accidentalium qualitatum, ut patet per Philosophum, in I Phys. Sed qualitates activæ et passivæ sunt proprietates proprie accidentalium elementorum. Si ergo formæ substanciales fuerint a principio in materia, fuerunt ibi ex consequenti qualitates activæ et passivæ; et ita nulla restabat informitas, ut videatur.

4. Sed diceretur, quod erat informitas sive confusio quantum ad elementorum situm. — Sed contra, secundum Philosophum (IV Cœli et mundi, text. com. xxv), quantum unumquodque elementorum habet de specie, tantum habet de ubi; elementa enim sunt in propriis locis ex virtute formæ. Si ergo materia a principio habebat formas substanciales, tunc ex consequenti unumquodque elementorum suum situm habebat; et ita nulla confusio in elementis restabat, secundum quam materia posset dici informis.

5. Præterea, si pro tanto materiæ informis dicitur, quod